



Број/Број: **01/2а-50-1-2-70/10**
Сарајево/Sarajevo, 27.7.2010.

ZAPISNIK

70. sjednice Komisije za vanjske poslove Predstavničkog doma Parlamentarne skupštine BiH, održane 27.7.2010.

Sjednica Komisije počela je u 14 sati. Prisustvovali su: Slavko Matić, Milorad Živković, Husein Nanić, Azra Alajbegović i Lejla Klokić.

Odsustvovali su: Milica Marković, Azra Hadžiahmetović, Denis Bećirović i Sefer Halilović.

Osim članova Komisije, sjednici su prisustvovali: Senad Bužimkić iz Ministarstva vanjskih poslova BiH, Amila Smajkić iz Ministarstva sigurnosti BiH, Edina Čavčić i Snježana Beatović iz Ministarstva vanjske trgovine i ekonomskih odnosa BiH, Jelena Vuković iz Ministarstva civilnih poslova BiH, Nikola Sladoje iz Ministarstva pravde BiH i Biljana Tabaković iz Ministarstva finansija i trezora BiH.

Sjednicom je predsjedavao Slavko Matić. On je pozdravio prisutne i otvorio raspravu o dnevnom redu 70. sjednice Komisije.

Nije bilo rasprave i članovi Komisije jednoglasno su usvojili sljedeći

DNEVNI RED

1. Usvajanje Zapisnika 69. sjednice Komisije;
2. Davanje mišljenja o saglasnosti za ratificiranje:
 - a) Sporazuma između Bosne i Hercegovine i Češke Republike o razmjeni i obostranoj zaštiti tajnih podataka (resorno ministarstvo: Ministarstvo sigurnosti BiH);
 - b) Sporazuma o ekonomskoj saradnji između Ministarstva vanjske trgovine i ekonomskih odnosa BiH i Ministarstva industrije i trgovine Češke Republike, (resorno ministarstvo: Ministarstvo vanjske trgovine i ekonomskih odnosa BiH);
 - c) Sporazuma između Vijeća ministara Bosne i Hercegovine i Vlade Republike Srbije u oblasti obrazovanja, kulture i sporta (resorno ministarstvo: Ministarstvo civilnih poslova BiH);
 - d) Ugovora između Bosne i Hercegovine i Republike Srbije o izmjenama i dopunama Ugovora između Bosne i Hercegovine i Srbije i Crne Gore o međusobnom izvršavanju sudskih odluka u krivičnim stvarima (resorno ministarstvo: Ministarstvo pravde BiH);

- e) Sporazuma o finansiranju između Bosne i Hercegovine i Međunarodne asocijacije za razvoj – *Prvo programsko finansiranje za razvojne politike javne potrošnje* (resorno ministarstvo: Ministarstvo finansija i trezora BiH);
 - f) Sporazuma o zajmu između Bosne i Hercegovine i Međunarodne banke za obnovu i razvoj – *Prvi programski zajam za razvojne politike javne potrošnje*, (resorno ministarstvo: Ministarstvo finansija i trezora BiH);
3. Izvještaji i materijali pristigli Komisiji:
- a) Izvještaj sa uzvratne bilateralne posjete Parlamentu Kuvajta, 27. i 28.6.2010.;
 - b) Izvještaj s Evropske konferencije predsjednika parlamenata, Limassol, Republika Kipar, 11. i 12.6.2010.;
 - c) Izvještaj o studijskoj posjeti delegacije PSBiH Bundestagu, Parlamentu Saxonije i drugim vladinim institucijama Savezne Republike Njemačke, 7.–11.6.2010.;
 - d) Informacija o stanju ratifikacije Sporazuma o stabilizaciji i pridruživanju s BiH (materijal MVPBiH);
 - e) Izvještaj s trećeg dijela redovnog zasjedanja Parlamentarne skupštine Vijeća Evrope, Strassbourg, 21.–25.6.2010.;
 - f) Analiza strukture i obima djelovanja Evropske službe za vanjske poslove (materijal MVPBiH);
 - g) Rezolucija Evropskog parlamenta o Uniji za Mediteran, 20.5.2010. - informacija, (materijal MVPBiH);
 - h) Izvještaj o posjeti Parlamentarne grupe prijateljstva Skupštine Crne Gore Parlamentarnoj skupštini BiH, 24. i 25.5.2010.
4. Tekuća pitanja.

Ad.1. Usvajanje Zapisnika 69. sjednice Komisije za vanjske poslove

Zapisnik 69. sjednice usvojen je jednoglasno, bez primjedbi.

Ad.2. a) Davanje mišljenja o saglasnosti za ratificiranje Sporazuma između Bosne i Hercegovine i Češke Republike o razmjeni i obostranoj zaštiti tajnih podataka

Senad Bužimkić iz Ministarstva vanjskih poslova BiH na početku je kazao da je za sve sporazume ispoštovana neophodna procedura kod zaključivanja međunarodnih ugovora.

Amila Smajkić iz Ministarstva sigurnosti BiH kazala je da je ovo jedan u nizu sličnih sporazuma koji je potpisan ili će biti potpisan sa svim drugim zemljama iz regiona.

Nije bilo rasprave i Komisija je jednoglasno dala pozitivno mišljenje Predstavničkom domu u vezi s ratificiranjem ovog sporazuma.

Ad.2. b) Davanje mišljenja o saglasnosti za ratificiranje Sporazuma o ekonomskoj saradnji između Ministarstva vanjske trgovine i ekonomskih odnosa BiH i Ministarstva industrije i trgovine Češke Republike

Edina Čavčić iz Ministarstva vanjske trgovine i ekonomskih odnosa BiH kazala je da je ovaj sporazum potpisan nakon što je prestao da važi trgovinski sporazum koji je Češka otkazala zbog članstva u EU. Ovaj sporazum predstavlja pravni okvir za jačanje i nastavak ekonomske saradnje između dvije zemlje. Ovakvi sporazumi su već zaključeni s Mađarskom i Slovenijom kao zemljama članicama EU i veoma mnogo je pokrenutih inicijativa za

zaključivanje ovakvih sporazuma. Osnovni cilj ovog sporazuma je jačanje ekonomske saradnje kroz definiranje oblasti saradnje od obostranog interesa.

Nije bilo rasprave i Komisija je jednoglasno dala pozitivno mišljenje Predstavničkom domu u vezi s ratificiranjem ovog sporazuma.

Ad.2. c) Davanje mišljenja o saglasnosti za ratificiranje Sporazuma između Vijeća ministara Bosne i Hercegovine i Vlade Republike Srbije u oblasti obrazovanja, kulture i sporta

Jelena Vuković iz Ministarstva civilnih poslova BiH kazala je da je ovim sporazumom predviđeno da će strane u sporazumu svestrano doprinositi unapređenju saradnje u oblasti obrazovanja, kulture i sporta i s tim ciljem će podsticati neposredne kontakte između državnih organa, institucija i drugih organizacija i pojedinaca u navedenim oblastima saradnje, u skladu sa zakonodavstvom dvije zemlje.

Nije bilo pitanja predstavniku resornog ministarstva i Komisija je jednoglasno dala pozitivno mišljenje Predstavničkom domu u vezi s ratificiranjem ovog sporazuma.

Ad.2. d) Davanje mišljenja o saglasnosti za ratificiranje Ugovora između Bosne i Hercegovine i Republike Srbije o izmjenama i dopunama Ugovora između Bosne i Hercegovine i Srbije i Crne Gore o međusobnom izvršavanju sudskih odluka u krivičnim stvarima

Nikola Sladoje iz Ministarstva pravde BiH je u vezi s ovim ugovorom kazao da se on primjenjuje od dana potpisivanja na privremenoj osnovi. Suština ugovora je da se sudske odluke jedne države izvršavaju u drugoj državi protiv lica koja pobjegnu u tu državu.

Nije bilo pitanja i Komisija je jednoglasno dala pozitivno mišljenje Predstavničkom domu u vezi s ratificiranjem ovog ugovora.

Ad.2. e) Davanje mišljenja o saglasnosti za ratificiranje Sporazuma o finansiranju između Bosne i Hercegovine i Međunarodne asocijacije za razvoj – Prvo programsko finansiranje za razvojne politike javne potrošnje

Ad.2. f) Davanje mišljenja o saglasnosti za ratificiranje Sporazuma o zajmu između Bosne i Hercegovine i Međunarodne banke za obnovu i razvoj – Prvi programski zajam za razvojne politike javne potrošnje

Biljana Tabaković iz Ministarstva finansija i trezora BiH kazala je da su ova dva sporazuma komplementarna i da je riječ o kreditima koji predstavljaju jednu cjelinu. Prvi kredit je u vrijednosti od 66 miliona dolara, a drugi u vrijednosti od 44 miliona dolara. Krediti su namijenjeni reformama u javnoj potrošnji i oni su komplementarni sa stendbaj-aranžmanom Međunarodnog monetarnog fonda jer je Svjetska banka planirala da uporedo s MMF-om u tri godine trajanja stendbaj-aranžmana alokira u BiH oko 185 miliona dolara. Sa ova dva kredita alokira se 111 miliona dolara, 60% u Federaciju BiH i 40% u Republiku Srpsku. Krediti nisu namijenjeni finansiranju nekog razvojnog projekta već su namijenjeni budžetima entiteta.

Nije bilo pitanja i Komisija je jednoglasno dala pozitivno mišljenje Predstavničkom domu u vezi s ratificiranjem ova dva sporazuma.

Ad.3. Izvještaji i materijali pristigli Komisiji:

- a) **Izvještaj sa uzvratne bilateralne posjete Parlamentu Kuvajta, 27. i 28.6.2010.;**
- b) **Izvještaj s Evropske konferencije predsjednika parlamenata, Limassol, Republika Kipar, 11. i 12.6.2010.;**
- c) **Izvještaj o studijskoj posjeti delegacije PSBiH Bundestagu, Parlamentu Saxonije i drugim vladinim institucijama Savezne Republike Njemačke, 7. – 11.6.2010.;**
- d) **Informacija o stanju ratifikacije Sporazuma o stabilizaciji i pridruživanju s BiH (materijal MVPBiH);**
- e) **Izvještaj s trećeg dijela redovnog zasjedanja Parlamentarne skupštine Vijeća Evrope, Strassbourg, 21. – 25.6.2010.;**
- f) **Analiza strukture i obima djelovanja Evropske službe za vanjske poslove, (materijal MVPBiH);**
- g) **Rezolucija Evropskog parlamenta o Uniji za Mediteran, 20.5.2010. - informacija, (materijal MVPBiH);**
- h) **Izvještaj o posjeti Parlamentarne grupe prijateljstva Skupštine Crne Gore Parlamentarnoj skupštini BiH, 24. i 25.5.2010.**

Nije bilo rasprave i predsjedavajući Slavko Matić konstatirao je da su članovi Komisije primili k znanju informacije i izvještaje pristigle Komisiji.

Nije bilo materijala za raspravu pod tačkom “Tekuća pitanja”.

Nakon toga predsjedavajući Slavko Matić zahvalio se članovima Komisije i zaključio rad 70. sjednice Komisije za vanjske poslove.

Sjednica je završena u 14,30 sati.

SEKRETAR KOMISIJE

Merdžana Iglica

PREDSJEDAVAJUĆI KOMISIJE

Slavko Matić

Dostavljeno:

- naslovu
- a/a